

Tikaagulliusaarnaq *Balaenoptera borealis*



Seihvalur
 Sandreyður
 Seihval
 Sáidefális
 Sejhval
 Sei whale



Tikaagulliusaarnaq piaraalu © Christin Khan / NOAA, NEFSC

Naak tikaagulliusaarnaq arferit anginerpaat pingajorigaluarat, tupaallannartumik **uumasoq** taanna qanga arfanniat nalunaarsugaanneersunik ullutsinniluunniit ilisimatuut nalunaarusiaanneersunit annikitsuinnarmik ilisimaneqarpoq. Tamanna patsiseqarpoq tikaagulliusaarnaq tikaagulliusaamut paarlaatianeqartarami, aammalu amerlasuutigut avataaniitqoq naammattoorneqartarami. Tikaagulliusaarnat arlalinnik assigiinngitsunik neriniartaaseqarput, **nerisassanut** assigiinngitsunut tulluarsagaasunik. Arferit angisuut sukkanersaattut ilisimaneqarpoq, tiimimut 50 km-it angullugit ingerlaarsinnaasarluni!

Inersimasutut angissusaa 15 meterit
Inersimasutut oqimaassusaa 20,000 kg
Ukiuisa annerpaaffiat 70 ukiui
Uku nerisarai illeqqat, peqquit, aalisakkat
Eqimattani amerlassusaa 1-5
Uumasut qaasuttut aarluk

IUCN-ip uumasogatigijiaat
nungoriaannaasut allattorsimaffiutaanni
inissisimaffiat nungoratarsinnaanngilaq
 (2022)
Atlantikup Avannaata Kangiani
peqassuseq >10,000
 Tikaagulliusaarnaq **nunarsuaq**
tamakkerlugu illersugaavoq

Aarlerinartorsiortitsisut:



Silap pissusiata
allanngoriartornera



Umiarsuarmit
eqqortinneq



Nermussaaneq




Nipinit
akornuserneqarneq

Tikaagulliusaarnaq *Balaenoptera borealis*



Seihvalur
 Sandreyður
 Seihval
 Sáidefális
 Sejhval
 Sei whale

Tikaagulliusaarnap qaniata ilusaata **tikaagulliusaaqataasa** (soorlu tikaagulliusaat tunnullillu) qanii iluseqatigivaat, aammalu **soqqaat** sinigissuupput siilikiusaallutik. Taamaattuunerisa neriniakkaminnik toqqaaniarnerat ajornannginnerulersittarpaat, assigiinngitsunik marlunnik neriniaaseqaramik: “**annertuumik neriniarneq**” aamma “**arriitsumik neriniarneq**”. Tikaagulliusaarnat **annertuumik neriniartillutik** qanertik aatsartillugu siumut ingerlarsortarput piniakkatik ataatsikkut oqummiuttarlugit, **arriitsumilli neriniartillutik** immap qaavata ataa-tungaaticut qanertik aatsartillugu ingerlarusaartarput, **piniaakkatik** ingerlarusaarnerminni immikkoortitertarlugit. Tikaagulliusaarnat neriniartaatsit taakkua marluk atorsinnaanerit immikkuullarissutigivaat! Taamaakkamillu **arfernut soqqalinnut** allanut sanilliullutik **nerisassat** assigiinngitsut amerlanerit nerisarissinnaavaat.



Tikaagulliusaarnaq nerisoq © Peter Duley / NOAA



Sarpimmit minittornerit © Lassi Kurkijärvi

Tikaagulliusaarnat arfeqatiminnit amerlanerit allaanerulaartumik aqqartaaseqarput. Aqqarnissartik siqqullugu kingorna-tungitik qaarajussitinnagit imaluunniit sarpitik silaannarmut piseqqaarnagit, immap qaavaniit kiviinnartarput. Arferilli allat assigalungit aqqaraangamik amerlasuutigut ‘**qalaliortitsisarpit**’. Qalaliornerit taakkua immap qaavani ningaliusaapput qaarajuartut, arferup immap iluani sarpiminnik pilersitai. Qalaliornerit taakkua qaarajuaarnerupput arferup sumiissimanerani takutitsisut.



Ilisimatusarneq: Tikaagulliusaarnat tikaagulliusaanut paarlaanne qakkajupput. Assigiinngissutaat pingaernerit suuppat? Isikkui eqqarsaatigikkat, sumi naammattoorsinnaanerit, qanorlu pissu silersortarnersut.